



Nuuk, d. 1. juni 2015

Inatsisartut suleriaasianni § 37 Naalakkersuisunut apeqquteqaat maanna saqqummiuppara:

Apeqqut:

Aviisimi AG-mi ulloq 13. maj 2015 saqqummersumi atuarsinnaavarput, kalaallip nunanillu allaneersup danskisut nunani avannarlernilluunnii nunaasuni innuttaassuseqanngittup, akornani aappariittoqalersimatillugu, pisut takutissimavaat nunanit allaneersumut najugaqarnissamut akuersissummik pinissaq ajornartorujusuusimasoq. Aviisimi allaatigineqartumi pisup kingunerivaa Kalaallit Nunaani innuuttaassuseqartup nunanit allaneersoq katittariaqarsimavaa pineqartoq Kalaallit Nunaanut angerlaqataasinnaaniassammat. Naak nunanit allaneersuusoq taamaakkaluartoq EUmi innuuttasuugami Danmarkimi najugaqarnissamik akuersissummik pissarsinissani ajornartorsiutigissanngikkaluarlugu. Kalaallit Nunaalli EUmi ilaasortaannginnerata kingunerisaanik killilerneqarnermik ajornartsitsissut pilersimavoq. Inatsisitigut sunarpiaq ajornartorsiutaava, Naalakkersuisut tamanna qanoq isumaqarfigaat, Naalakkersuisullu iliuuseqarfiginiarnerlugu?

(Inatsisartunut ilaasortaq, Sara Olsvig, Inuit Ataqatigiit)

Tungavilersuut:

Tamatta sulissutigerusupparput inuusuttortatta nunani allani ilinniagaqareermermi angerlartarnissaat. Qujanartumillu inuusuttorpassuit aallartarput uteqqittarlutillu. Asanninneq nunap killigitaanik ilisimanninngilaq, qujanartumillu ilaanni kalaallit inuusutut ilinniagaqarnerminni imaluunniit nunap killingisa avataani nassaarisarpaat. Ajornartorsiuteqarfiusorli paasinarsisimavoq nunani avannarlerni innuttaasuunngitsumik aappartaarneq, aapparisaq Kalaallit Nunaanut angerlaqatiginiaraanni.

Isumaqarpugut Inuit Ataqatigiinnit tamanna siunertamut naapertuutinngitsoq. Nunap killilersorneqarnerini ajornartorsiutit piiarneqarnissai sulissutigiumavagut peerneqarnissai, tassungalu atatillugu ajornartorsiut pineqartoq pillugu Naalakkersuisut eqqummafigineraat tusarumallugu, aammalu iliuuseqarfiginiarneraat tusarniarlugu.

AGmi aappariit pineqartut asanninnermik nassaarsimanerinek pilluaqumavaguttaaq.

Tassungalu atatillugu siumut qinnutigissavara apeqquteqaatikka ullut suliffiusut qulit ingerlanerini akineqarnissaat.